

20 urte minbiziari aurre egiten

Alboka Musika Eskolak eta Debabarrenako Orfeoia kontzertu berezia eskaini zuten maiatzaren 12an parrobian. Minbiziaren Aurkako Espainiako Elkarteak (AECC) Ermuan duen batzordeak 20 urte bete ditu aurten eta egindako lanaren esker ona jaso zuten Ermuko boluntarioek. Angela Rabadán eta Kontxi Muñoz kideekin egon gara eta AECCren Ermuko Batzordeak egiten duen lanaren inguruko hainbat konturen berri eman digute.

Hogei urte gehi bi bete ditu zehazki AECCren Ermuko batzordeak. “Lehenengo bi urteetan minbiziaren aurka lan egiteko dirua batzen hasi ziren hainbat emakume eta gero eratu zen batzorde moduan”, adierazi digu Angela Rabadán Ermuko

boluntarioak. AECCren babesarekin laguntzarako aukera gehiago sortu ziren eta egitura sendoagoa edukitzea suposatu zuen. Hala ere, egitura hori guztia ez da ezer boluntarioen lanik gabe eta ermuarrek konpromiso handia erakutsi dute 20 urte hauetan zehar.



Angela 2011an hasi zen boluntario moduan eta Kontxi Muñozek 15 urte inguru daramatza elkartearen. Eurak dira gaur egun Ermuko batzordearen ordezkariak, baina talde osoaren lana goraiatzeko dute. Gainera, hasieratik taldean dabilzan edo elkartearen urte asko darama-

tzaten emakume asko minbizi izan eta gaitza gainditu dute. “Gu taldeko beste kide bi gehiago gara, baina baten batek koordinatu behar du, baimenak eskatu eta abar”. 36 boluntario dira guztira eta horietako bi besterik ez dira gizonetakoak. “Kontua ez da emakumezkoak solidarioagoak garela, baizik eta zaintza lanetan gehiago ibili garela emakumeak eta horregatik dago taldean emakume gehiago. Gainera, batezbesteko adina ere nahiko altua da”, Angelak esaten duenez. “Pozik hartuko genuke taldean gizon gehiago”, esan digu Kontxi, “batzordearen atak zabalik daude”.

Ermuko batzordeak AECCk estatuan antolatzen dituen kanpainak gauzatzen ditu herrian eta Bizkaiko batzordearen bitartez egiten dute lan.



Ferretería ANBOTO Burdindegia

Orain **KOTXEKO GILIZEN KOPIAK** ere egiten ditugu

943 17 69 76
607 33 11 77

ZUBIAURRE, 25 ERMUA (BIZKAIA)
www.ferreteriaanboto.es

Dejate QUERER

BERRIA ERMUA

Bitsi-denda Tailer propioa Edoju-denda

Senén 1978

Diseinuak eta kalitateak bereizten gaituzte

San Pelayo zeharbidea 4 ERMUA (48260) BIZKAIA
www.joyeriasenen.com - joyeriasenen@gmail.com



Otsailean, adibidez, Minbiziaren Aurkako Nazioarteko Egunaren inguruan hainbat jarduera egiten dituzte (informazio-mahaia jarri eta hitzaldi bat eskaintzen dute), Loteriak urtean behin AECRCri egun bat eskaintzen dio eta loteria saltzen dute kalean (saldutakoaren ehuneko bat Ermuan geratzen da), hainbat kanpaina egiten dituzte (kolon-minbiziarena, tabakoarena, eguzkiarengandik babestekoa, bular-minbiziarena...), eta azken urteotan arrakasta handia izan duen martxa antolatzen dute. “Gure ekintza arrakastatsuen da”. Bi urte daramatzate martxa antolatzen eta harrituta daude ermuarren erantzunarekin. “3.000 kamiseta saldu genituen lehen urtean, 3.500 hurrengoan eta aurten 3.600 banatuko ditugu”, Kontxik dioenez. Herritarren eran-

tzuna bikaina bada ere, badakite ezin dela ekitaldi oso handia egin, Ermuaren tamaina kontuan izan behar delako. “Jende asko biltzen gara eta lehiarik ez dagoenez jendea lasai doa, beraz, ezin daiteke askoz ere jende gehiago batu, gehiegizkoa izango litzatekeelako”. Ekimen honek herriaren duen arrakasta irudikatzen dute Ermua. “Donostian egin zen minbiziaren aurkako martxa 1.000 lagun inguru batu ziren, baina Donostiak duen biztanleria kontuan hartzen badugu, Ermuan lortzen dugun partaide kopurua oso handia dela ikus dezakegu”. Ermuarez oso harro daudela diote biek.

Martxa arrakastatsua

AECRCko Ermuko batzordeak hainbat zerbitzu eskain-

tzen ditu beharrak dituen jendearentzat. “Guregana etortzen diren batzuek berba egitea nahi dute, besterik gabe. Gaixotasuna pasatzen ari direla kontatzen digute, nola sentitzen diren, nork lagundu ahal dien galdetzen digute... barruak husteko beharra sentitzen dute”. Bestetik, Bizkaiko batzordearekin jartzen dira kontaktuan beste behar batzuk dituen jendeari laguntzeko. Adibidez, pelukaren bat behar dutelako, fase terminalean dagoen batek ohe berezia behar duelako, protesiak behar dituztelako, eta abar. “Gainera, laguntza psikologikoa eskaintzen dugu Bizkaiko batzordearen bitartez Bilbon, den-dena modu indibidualan”. Zerbitzu horiek jaso dituztenak oso pozik geratu direla esan digute Ermuko batzordekoek eta euren esker ona jaso dutela. “Gizar-

te eta giza lan garrantzitsua egiten dugula uste dut”, dio Angelak.

Urtean zehar behin bakarrik eskatzen dute dirua eta hori azpimarratu nahi dute boluntarioek. “Gainerakoean, mahaia jartzen duguean, informazioa eskaintzeko izaten da”. Gero, jasotako diru hori minbiziari aurre egiteko garatzen diren ikerketak diruz laguntzeko erabiltzen saiatzen dira. “Iaz ikertzaile bati eman genion dirua eta aurten berdin jarduteko asmoa daukagu. Diruaren hartzaileari izena eman nahi genion, jendeak ikusteko diru hori benetan ikertzeko erabiltzen dela”. Iaz bildutako dirua jaso zuen ikerlaria Ermuko martxara etorri zen eta bere lanaren berri eman zion jendeari.

Aurtengo martxan ere ermuarren erantzun ona jasotzea espero dute eta, nola ez, diru hori minbiziari aurre egiteko erabiliko da. Birtartean, Angela eta Kontxik lanean jarraituko dute Ermuko batzordeko beste kideekin batera. “Boluntarioa izatea atsegingarria da eta boluntarioa izan arte ez dakizu zer den sentimendu hori”, Angelaren berbetan. Batzordean hasieratik parte hartzen duten emakumeak dira euren ereduak, “izugarriko lana” egin dutela azpimarratzen dute eta gogo handiz jarraituko dute lanarekin. “Minbizia gaintzearen inguruan berri onak entzuten ditugunean guk ere zerbait egin dugula sentitzen dugu”.

Ekhi Velar

Hanigan's
Irish Tavern

Gosari, bazkari eta afariak eramateko prestatzen dugu

Astegunetan 7:00etatik zabalik
Asteburu eta jaiegunetan,
10:00etatik.

Komentukua z/g. 943030527

CITROËN

AUTOS AMEDI

Zearreko buelta eraikina 3, L8 pab.
Telefonoa 943 17 04 14

T XALAPARTA
ABERNA

Eta asteburuetan
pintxoak, afariak
eta bokatak!

Erdikokale 13
(Ermua)

ENKARGYAK
943 030 299

- Itsaskabra pudina.
- Txipiroiak.
- Piper beteak: okela edo onddoak.
- Fritoak: urdaiazpikoa edo onddoak.
- Redondo saltsan.
- Sagar tarta.
- Gazta tarta.
- Tortila patata...